

脩光山縣志自序



予令光山逾三載紀及所籍
志而新之又三載而新志紀
咸嗚呼若是其難哉溯自至
寅赴選得是邑竭邑大司
寇胡公公曰邑之政脩志為

亟出手蚤稽志奉示予之更
云比蒞邑邑士曰脩志之議
二十年不果其烏可緩乃予
且遲之久而後舉之者非以
是為緩圖又非以其難而有
所顧慮也志者志邑之實事

所以彰往而昭來也學校書
院之所以育才而造士城堞
官署之所以衛民而睦政祠
壇秩祀之典禮忠孝名蹟之
式型或頽隳而廢墜或訛紊
而鬱湮收浚而紀之則事無

實必就其實而著之則未可
鹵莽以從事是故先為載業
籌所以既其實者繕城垣飭
公廨增涑水書院膏火表節
孝祠擴火神祠查復崇基暨
正名宦鄉賢忠孝三祠入祀

云人濟復司馬古井散我中
廢粗舉矣始全薦紳士謀所
以新新志者稟呈於

上憲條示四境令以所宜入志
者尅日牒縣檢勘檔冊薈萃
群書走書幣延予友錢君席

光山縣志

卷之首

自序三

川任編纂邑中宿學士分其
任友凡定例立之課程以時
省閱每卷成郵呈大司寇
分呈

請大憲受裁成首尾三閱歲而
歲事友三年而舉事又三年

而成功其難如此然幸
大司寇之主持於上邑
荐紳士庶之共為贊勸
率俾豫舉至二十年不
果者予獲藉手告成
不以難而旬矯是殆若
有天焉非偶然也異時
予里居

光山縣志

卷之首

自序四

無事取是志而尋覽之其山
川土田洵堡郵市皆吾所嘗
躬歷其學校與諸祠祀皆吾
所嘗經理其忠貞孝義芳蹟
遺文皆吾所嘗咨采而論定
乎選造後秀皆吾所嘗與交

遊而浮洲雅境遷事過不帝
重涉茲土固有暢然歷我風
心無負于雨之為其難者矣
乾隆五十一年歲在丙午冬
十二月上旬之吉

賜進士出身文林郎知光山縣事

光山縣志

卷之首

自序五

加三級清江揚殿梓撰



舊序

光山舊有志其篇章採莒版刻脫誤由嘉靖丙辰迄今無所考徵予會集邑長老人士議補三十年所未備越三年未果聞邑大夫蔡汝謙氏所著有野史若干卷爰造其廬而請之大夫固以辭謂其先大夫顯德先生於舊志有嘉靖甲午稿今將續一家言以記歲月惡敢云志因出其手稿凡五卷以授予其文直而不繁豐而不複體簡而不畧事核而不誣自沿革山川食貨以及終篇分門列品特著論贊自丙辰以前剗迂黜誤而各爲

光山縣志

卷之首

舊序

一

一紀丙辰以後蒐佚摭據掇其綱而收其目如篤行文章循良孝義諸科則統傳而彙集之其他特傳蓋舉重而畧其餘則列傳之遺矩也藝文關教化者載而詩賦詞章畧之益政體者載而誥敕碑表之類則詳其家集而姑不備一字而意遠一言而義重其大端本旨無非欲司牧者育養黎元而善行垂法里閭後人慕古希聖修德學道而還太樸故體主於簡文主於約視諸浮靡者不啻徑庭已也余幸吏於斯無所裨益地方得賢者成斯志而謬序之如此萬歷己丑春三月一日知光山

縣事牛應元

舊序

不佞自齟齬喜遷囚子貞言及壯遊江海間歷十餘年
欲有所著以成一家言而未能越在庚辰乃退而與二
三子有事邑乘修先大人之業蒐舊晰新潦草成帙將
附野史以藏諸名山而愧非其家也令君何以志為且
也評薦品彙微有儆戒之詞或有知予者以俟後之君
子萬歷己丑秋七月一日邑人蔡光

舊序

光山縣志

卷之首

舊序

二

古者國不問大小靡不採摭風謠諏詢方俗以載掌故
而最著者莫如晉乘魯春秋乘終史耳春秋經大聖筆
削始進為經孔子曰吾志在春秋則志也史也經也一
也攷自封建易而郡邑邑之大者制無越百里乃其間
簿尉之相攝生齒之相屬名法之相規食貨之相有無
閭閻之相敦尚甚而里征歲額之相灌輸無不取給照
官至比而稱之曰邑侯則叢爾邑亦古附庸也光邑
春秋為弦國地據上游於汝墳淮泗之間歷漢至今
聞以良史傳歲戊子郡丞蔡公以先正名賢掃松菊

徑歸樓味道著述自娛其於一邑見聞無不蒐討極富
評騭極真前贛撫牛公受事茲邑請而付之剞劂已爲
一邑信史矣太史中山公蜚藻詞林克世其業瞻懷執
簡之遺更秉如椽之筆亟欲增舊所未備以光述作會
汝上郡志之役微言太史而新志遂成余吏暇得窺
全稿謂是不可不壽之梓也况舊志亦出其先大夫昔
司馬遷有良史才而自其先世談即掌稗官之說班固
續修漢書文直事核而其先彪已編纂當代哀然爲一
代詞宗則其史以世而信且以世而微矣若夫拓城撤
光山縣志

卷之首

舊序

三

賦兩大議鑿鑿可見施行其為弦陽紫水計有仁者無
窮之思焉而名法食貨士習徭役之縷縷具載於以登
閱化理尤不僅涓埃之助余又何能贊一詞萬歷四十
年孟冬朔日知光山縣事施堯化

舊序

余有事斯役也蓋經年不能搦管云憶昔先大父志終
於戊子之冬時余自秣陵歸執以相授曰此以後汝其
承之余奉以周旋不敢去心乙巳自史垣歸山會汝寧
守黃公輯郡志徵二十五年之典故於下邑邑侯程公

我旋屬草於余而邑中丞劉公惟一侍御彭公汝省侍
御胡公我虛黃門陳公元勳暨諸孝廉博士弟子咸惟
余責成余既弗敢辭乃步趨先人之旨而刪潤其詞於
二十五年之政事文章人物建置條分而補輯之不敢
纖微有失若其中質者稍華之簡者稍增之一評一贊
少出意見而輔翼之雖先大父夙有成命然僭竊之罪
深且重矣志成程侯召去割劓久虛邑縉紳欲鳩工未
之能也茲邑侯施公泰維以一代詞宗政成三年慨然
以文獻爲己任捐俸壽諸梓因念斯志也邑先達各有
光山縣志

卷之首

舊序

四

家草先大父創其始其徒淮川先生繼其事先子集其
成余儼然若績鍾筐慌僭加修輯今百有餘年矣後之
視今猶今之視昔余於後賢有深望焉萬歷四十年壬
子孟夏望日邑人蔡毅中

舊序

先邑古弦子國爲揚州之域一帶河山壁峙環流有曠
據三楚兩淮之勢但衝當中原門戶兵燹後土著爲消
凋殘荒蕪予蒞茲未免動冷月茅簷寒風斷竈之感五
稔以來拊循噢咻壹志寧人由是廢稍興流稍聚田稍

藝乃於緣飾俎豆敦說詩書之餘按舊乘於餘燼得鄉
大夫蔡君光及其子毅中所重修者一冊事止於先朝
萬曆己丑迄今又七十一年其間建置典禮秩官選舉
以至人物藝文沿革興廢亟待增葺於是詢之耆舊傳
聞或訪之紳士覩記或求之古剝斷碑窮陬小落間俾
缺典遺事勿溢美勿漏疎務比於一同載筆者則郡賢
孟君俊而七十一年後之面目且以片茅新搆瓦礫淒
如之外又一番曠舉也夫國有史邑有志所以彰往蹟
詔後來也散之一邑為志採之便成國史孔子因魯史
光山縣志

卷之首

舊序

五

成春秋大一王之法昭萬世之戒此物此志耳後之父
母斯民者或以鳴琴治或以戴星治熙熙乎如春臺之
登攘攘乎如樂郊之趨紫水弦陽咏歌父母父母之稱
夫豈無謂披廣輿而天下在目考分野而一邑在目今
之視昔後之視今心同也理同也倘嘉意孺嚙偏勞撫
字俾光邑其永有賴庶勿具文茲志也哉時順治己亥
夏月知光山縣事管聲

舊序

古今載籍一志林也伯益生五歲佐禹九牧贊之志山

海伯禹奠高山大川貢金九牧作九鼎志貢賦書曰敷
奏以言明試以功志也者其敷奏明試之大端乎故曰
政在養民在知人自郡國暨一邑凡所以養民育才諸
大政各陳諸志而六府三事惟修惟和皆得綜而核之
矣光山於春秋時為弦子之國秦以後始為縣其因時
立政代著循良披閱古志典型昭然矣然自萬歷己丑
後七十餘年曠未增輯不足何徵今弦令管君當兵燹
才遺後以休息仁覆為政生聚教訓有方萊蕪漸營圮
廢漸舉乃有事於修志詢諸名獻鉅儒國老庶老諮諸

光山縣志

卷之首

舊序

六

多士以暨山叟田峻靡善不以靡幽不顯亦既有成竹
矣余未入官時曾稽古弦中引沐河潤芻蕘見詢敢不
敬陳一得贊茲盛典而邑之司文司幕暨簪纓而家食
者青衿而庠肄者耆德而山隱者咸閭閻峩峩各採所
聞共司邦直顧余聞之凡政事不本於經術者必為刑
名為小康即紀載不達於經術者必為方言為說鈴此
於養民知人之義何居又何以興起後賢持貞衰之鑑
而轉泰否之樞也故察時變而政之大權舉參典謨而
政之大經正諷美刺袞鉞教中教和而政之大綱備今

令君疆燮有克寬猛兼濟以大雲雷之經綸復出其立
政知人之識以志一邑如紀旋蓋則核運變而拘墟執
古者有辨衡人物則本德誼而勛名無本者有辨紀忠
孝則參時宜而如瀆經割股者有辨酌賦役則恪

國憲而非安上全下者有辨紀藝文則旌懿徽而如纖奇
綺靡者有辨諸如此類皆足以折衷先聖振興後覺則
所謂昭貞表於秦鏡定否泰於吳鉤者實有其本寧止
核循良於一邑備紀載於一方也哉令君管君聲駿司
文任君君堯高君理司幕高君鵬順治十有六年己亥
光山縣志

卷之首

舊序

七

正月光州孟俊

舊序

王者之治天下大都政教二端而所謂政與教者非取
天下而束縛之馳驟之也要以因天地之寒煖燥濕與
夫民秉之剛柔輕重遲速齊其政修其教焉而已邑之
有志所以別疆域詳分野以述居民食貨之數用以核
貢賦惇典禮又復有上賢崇德簡不肖而絀惡諸典俾
政與教無不齊不修之憾此志之所以甚重也光山有
志其來舊矣上考分野下詳輿地而城濠廬舍阡陌關

津織悉不遺採風問俗凡一切節義人倫足以為砥世
磨鈍之資者無不班班具在其亦云網舉而目張矣但
歲遠年深興廢遞更按舊籍求之而近數十年之掌故
不無闕畧往歲大中丞閔公檄修光志前令未之逮而
去不佞承乏茲土踵而為之深懼簿書執掌考訂不遑
有幸盛典公餘之暇廼廣詢闔邑紳士耆老碩人凡前
志所未載與載而弗核者悉芟雜而增葺之自輿圖分
野田戶食貨下逮人物藝文等目雖曰仍前而汰繁去
縛續遺補忘不無去取要以毋敢畧毋敢濫焉而止庶
幾因天地民秉齊政修教之遺意竊願與後之君子綜
名覈實共懋乃績云康熙三十五年丙子孟秋朔日知
光山縣事粵東楊之徐

光山縣志

卷之首

舊序

八

光山縣志纂修職名

鑒定

巡撫河南等處地方

兵部侍郎兼都察院右都御史提督軍務兼理河道營田

沅

秋帆 休寧狀元

欽命戶部郎中兼翰林院編修提督河南全省學政李

榮

滄雲 長洲進士

欽命翰林院編修提督河南全省學政劉種之

存子 武進進士

河南等處承宣布政使司布政使江

蘭

晚香 歙縣優貢

河南等處提刑按察使司按察使統轄全省驛傳事務穆克登

滿州

河南開歸等處督理通省鹽法水利糧務道張朝縉

松園 如皋貢生

分巡南汝光道駐劄信陽州兼管水利事務林守鹿

閩縣進士

光山縣志

卷之首

職名

督修

知開封府事前知光州

陳文緯

寶甫 岷縣監生

知光州

州

事玉

山

兼齋 滿洲副貢

總裁

誥授光祿大夫刑部尚書加四級

胡季堂

雲坡 邑廩生

協裁

起居

注

主

事

顧宗泰

星橋 元和進士

廣西南寧

府

知

府

劉雁題

仙圃 邑進士

總修

知光山縣事 楊殿梓 琴齋 清江進士

協修

光山縣教諭 郭鴻儒 蔚東 睢州舉人

光山縣訓導 孫整 方平 南陽歲貢

監刊

光山縣典史 萬溶 景帆 萬全倉書

纂編

候選訓導 錢時雍 寄園 清江歲貢

分纂

光山縣志 卷之首 職名 二

原任光山縣訓導 趙廷魁 臚一 葉縣舉人

候選知縣 李廷蘭 蘇隣 邑進士

原任湖北鶴峯州知州 徐運彩 玉峯 邑舉人

覺羅教習 余士惠 金泉 邑舉人

舉人 戴錫綸 東堂 邑人

校錄

舉人 戴錫綸

增 生 楊琨 玉山 邑人

經理

候選布政司經歷 劉雁贄廉郡人
原任山東沂州府經歷知新泰縣事 畢鍾璨玉圃人

圖繪

山

人 戴殿颺竹溪人

採輯

山東武城縣知縣 傅試萬仲言人

候選 州判管洛竹山人

候選 訓導 熊浩諤菴人

採訪

光山縣志 卷之首 職名 三

商水縣訓導 潘宗彞歲貢

候選 訓導 游煜歲貢

候選 訓導 劉源洙歲貢

候選 訓導 曹夢簡歲貢

廩生 張旋吉

增生 管聲會

監生 宋大謨

庠生 上官勤

增生 李集奎

庠

生 李思恕

庠

生 胡永定

庠

生 馮錦雯

庠

生 李允康

庠

生 唐 右

庠

生 毛大畧 俱邑人

光山縣志

卷之首

職名

四